



# 9

Niining Leksyona Matun-an Mo Kini

Giayo Ni Jesus Ang Tawong 'Buta Sukad Pa  
sa Iyang Pagkahimugso

Giusisa Sa Mga Fariseo Ang Buta Nga Naayo  
Espirituhanong Pagkabuta

## GIAYO NI JESUS ANG TAWONG BUTA SUKAD PA SA IYANG PAGKAHIMUGSO

(Basaha ang Juan 9:1-12)

Nagatoo ang mga tinun-an nga ang tanang sakit nagaabot tungod sa sala. Apan nganong duna may tawong buta nga sukad pa sa pagkahimugso? Dili kini tungod sa iyang sala. Natawo siyang buta nang daan bisan wala pa siya maka-buhat ug sala. Mahimo ba **kaha** nga ang hinungdan mao ang mga sala sa mga ginikanan?

Gipasabot sila ni Jesus nga ang mga balatian ug mga pagantus dili kanunay tungod sa sala sa usa ka tawo. Daghang mga sakit ang nagagikan sa natural nga mga hinungdan ug walay kalabutan sa sala ug sa silot niini. Kining pagkabuta niining tawhana magahatag kaniya ug kahigayonan sa pagkaayo pinaagi kang Jesus ug mamaluwas siya gikan sa iyang mga sala. Ang uban usab makakita sa gahum sa Dios ug motoo kang Jesus. Busa ang Dios nga nasayud sa tanang butang sa dili pa kini mahitabo, nagtugot nga siya mahimugso nga buta nang daan.



Usahay dili nato masabtan nganong naga antus kita. Nanguha kita sa pag-amping sa atong kaugalingon apan sa giha-pon kita ug ang atong mga kaanakan mangasakit ug maaksidente. Ug unya mangutana kita, “Ginoo, nganong nahitabo man kini kanako?”

Usahay hinuon magatugot ang Dios nga mag-antus kita aron sa pagbadlong kanato. Kina - hanglan susihon nato ang atong kaugalingong kasingkasing ug kinabuni ug mangayo ug ka pasayloanan sa mga sayop nga butang nga atong nahimo, o sa mga pulong ba hinuon, o mga dili maayong pamatasan ug mga dautang hunahuna. Kinahanglang moampo kita sa Dios nga ayohon kita Niya. Ug labaw sa taran magaampo kita nga pinaagi sa atong pag-antus makita unta sa uban ang gahum ug gugma sa Dios, ug magadayag Kaniya. Buot kita nga ang tanang mahitabo sa atong mga kinabuhi magadala unta ug himaya ngadto sa Dios.

#### Buhata Kini

1. Nganong ang tawo buta na man daan sukad pa sa iyang pagkahimugso?
  - . . . a) Tungod sa sala.
  - . . . b) Tungod sa sala sa iyang mga gini - kanan.
  - . . . c) Aron mapakita ang gahum sa Dios.
2. Nganong wala man makaila ang buta kon kinsa ang nag-ayo kaniya?
  - , , , a) Tungod kay wala pa man siya maayo hangtud nanghugas siya sa tubig sa Siloe.
  - . . . b) Tungod kay human maayo ang buta wala man siya mangutana kon kinsa si Jesus.
  - . . . c) Tungod kay siya usa man ka langyaw sa maong lungsod.

## GIUSISA SA MGA FARISEO ANG BUTA NGA NAAYO

(Basaha ang Juan 9:13-34)

Ang mga kaaway ni Jesus nangasuko tungod kay giayo ni Jesus ang buta sa adlaw nga Sabado. Wala sila malipay nga ang tawong buta naayo na. Ila hinoong gipatoo ang buta nga naayo nga si Jesus usa ka makasasala ug ilang gipagawas siya sa sinagoga.



Ang tawong buta nga naayo nagahatag kanato ug maayong panig-ingnan. Ang iyang mga pagpahayag nga si Jesus gikan sa Dios wala makapatoo sa mga pangulo sa relihiyon. Apan iyang gisulti ang gibuhad ni Jesus diha kaniya. Mao usab kini ang atong pagabuhaton.

**Juan 9:25.** Usa ka butang nga akong nahibaluan mao kini nga kaniadto buta ako apan karon makakita na ako.

### Buhata Kini

2. Sag-uloha ang Juan 9:25
4. Pag-ampo nga tabangan ka sa Dios sa pag-sulti ngadto sa uban sa gibuhad ni Jesus diha sa imong kinabuhi.

## ESPIRITUHANONG PAGKABUTA

(Basaha ang Juan 9:35-41)

Sailang panahon kani-adto dili lalim kon pagawason ka sa sinagoga. Sama ra nga giisip ka nga patay na. Gipangita ni Jesus ang maong tawo ug gidasig Niya siya. Gi-paila Niya ang tawo nga Siya mao ang Manluluwas. Mitoo ang tawo ug gisimba niya si Jesus.



Naghisgut si Jesus mahitungod sa espirituhanong pagkabuta. Ang mga Fariseo mao rausab ang mabasul sa ilang pagkabuta sa espirituhanong mga butang, tungod kay dili man nila buot dawaton ang kamatuoran. Apan ang buta nga maki-limos mitoo kang Jesus busa siya naayo gikan sa iyang balatian ug naluwas pa gayud gikan sa iyang mga sala. Kon dili kita buot mahimong mga buta sa espirituhanong mga butang, kinahanglan nga dawaton nato si Jesus ingon nga atong kaugalingong Manluluwas. Si Jesus moabli sa atong espirituhanong mga mata sa dihang magatuon kita sa Biblia ug magaampo.

**Salmo 119:18.** Bukha ang akong mga mata aron makatan-aw ako sa mga katingalahang butang gikan sa imong kasugoan.

Buhata Kini

5. Unsa man ang laing matang sa **pagkabuta** nga gihisgutan ni Jesus?
  - . . . a) Hanap ngapanan-aw nga nagkinahanglan ug antiyohos.
  - . . . b) Ang espirituhanong pagkabuta niadtong mga tawo nga wala magatoo kang Jesus.
  - . . . c) **Buta sa pagila ug kolor**
  
6. Unsa may atong buhaton aron mamaayo kita gikan niining espirituhanon pagkabuta?
  - . . . a) Kinahanglan dawaton nato si Cristo ingon nga atong kaugalingong Manluluwas.
  - . . . b) Kinahanglang magpasakop kita sa usa ka pundok o tinoohan.
  - . . . c) Kinahanglang **magpabutang** kita ug lapok sa atong mga mata.
  
7. Itandi ang imong mga tubag sa hustong mga tubag nga anaa sa katapusan niining leksyona
  
8. Sulati ang imong rekord sa estudyante alang sa ika-9 nga leksyon.

### Mga Hustong Tubag Sa Ika-9 Nga Leksyon

Kon aduna kay hustong tubag nga 4 ka buok, markahi ug labing maayo ang imong grado kon 3 ra, maayo; kon 2, kasarangan. Kon kubos sa 2 ang imong hustong tubag, basaha pag-usab kining leksyona.

1. c) aron mapakita ang gahum sa Dios.
2. a) Tungod kay wala pa man siya mama ayo hangtud wala siya manghugas didto sa tubig sa Siloe.
5. b) Ang espirituhanong pagkabuta niadtong mga tawo nga wala magatoo kang Jesus.
6. a) Kinahanglan dawaton nato si Cristo ingon nga atong kaugalingong Manluluwas.

Gidaghanon sa Hustong mga Tubag \_\_\_\_\_  
Grado \_\_\_\_\_